

Bosna i Hercegovina
Federacija Bosne i Hercegovine
KANTON SARAJEVO
Ministarstvo privrede

PROGRAM
utroška sredstava sa kriterijima raspodjele sredstava
"Poticaj razvoju male privrede" za 2017. godinu

Sarajevo, maj, 2017. godine

Na osnovu Zakona o poticaju razvoja male privrede ("Službene novine Kantona Sarajevo", broj: 29/15), člana 2. stav (1) Pravilnika o postupcima u provođenju Programa razvoja male privrede ("Službene novine Kantona Sarajevo", br. 17/16, 30/16, 42/16 i 21/17) i Zaključka Vlade Kantona Sarajevo, broj: 02-05-17117-17/17 od 11.05.2017. godine, kojim je usvojen Godišnji plan provođenja Programa razvoja male privrede za 2017. godinu, Ministarstvo privrede Kantona Sarajevo d o n o s I

PROGRAM

utroška sredstava sa kriterijima raspodjele sredstava

"Poticaj razvoju male privrede" za 2017. godinu

I

Program utroška sredstava sa kriterijima raspodjele sredstava "Poticaj razvoju male privrede" (u daljem tekstu: Program) u iznosu 2.480.000 KM, ekonomski kod 614 300 utvrđen je na osnovu Godišnjeg plana provođenja Programa razvoja male privrede za 2017. godinu i Budžeta Kantona Sarajevo za 2017. godinu ("Službene novine Kantona Sarajevo", broj: 53/16).

II

Novčana sredstva iz tačke I ovog Programa, u skladu sa Godišnjim planom provođenja Programa razvoja male privrede za 2017. godinu (u daljem tekstu: Godišnji plan) i Pravilnikom o postupcima u provođenju Programa razvoja male privrede ("Službene novine Kantona Sarajevo", br. 17/16, 30/16, 42/16 i 21/17), raspoređuju se po programima:

1.1. Program: Poticajna kreditna sredstava pod povoljnijim uslovima

Cilj:

Program "Poticajna kreditna sredstava pod povoljnijim uslovima" omogućava subjektima male privrede da putem odabrane banke obezbijede finansijska sredstva po povoljnim kreditnim uvjetima (uz subvencioniranu kamatnu stopu na kreditna sredstva po svim linijama finansiranja, niža efektivna kamatna stopa i troškovi obrade kredita), čija namjena je ulaganje u stalna sredstva, investicije ili obrtna sredstva na način koji omogućava povećanje obima proizvodnje i/ili usluga, te u skladu sa tim i obezbjeđenje novih radnih mjesta.

Kriteriji za izbor:

Obezbjeđenje kreditiranja pod povoljnijim uslovima odobrava se subjektima male privrede, koji imaju sjedište ili poslovnu jedinicu registriranu na području Kantona Sarajevo, uz uslov implementacije odobrenih sredstava na području Kantona Sarajevo (u daljem tekstu: Kanton). U skladu sa zakonom vrši se odabir banke za plasman kreditne linije uz subvencioniranje dijela kamatne stope od strane Ministarstva privrede. Javni poziv za izbor korisnika poticajnih kreditnih sredstava, uz saglasnost Ministarstva privrede raspisuje odabrana Banka. Izbor korisnika poticajnih kreditnih sredstava, vrši se na osnovu razvojnih programa/projekata koji omogućavaju stvaranje stimulativnog poslovnog ambijenta za nastanak novih i razvoj postojećih privrednih subjekata i otvaranje novih radnih mjesta. Osnovni kriteriji za utvrđivanje liste potencijalnih korisnika kredita sa subvencioniranom kamatnom stopom su: vrsta djelatnosti (proizvodna, uslužna i proizvodno-uslužna); broj uposlenih; povećanje zaposlenosti nakon implementacije kreditnih sredstava; namjena utroška sredstava; proizvodi i usluge kojima se ostvaruje veća dodatna vrijednost; izvori-način finansiranja projekata; orijentisanost ka izvozu, kreditna sposobnost i formalno - pravno uredna dokumenta za obezbjeđenje kredita. Prioritet u ostvarenju poticaja imaju sve proizvodne, a posebno izvozno orijentisane djelatnosti, te one djelatnosti koje je Vlada Kantona Sarajevo definisala kao strateške za razvoj Kantona Sarajevo.

Korisnici programa:

Pravo na dodjelu poticajnih kreditnih sredstava pod povoljnijim uslovima ostvaruju svi subjekti male privrede definisani u članu 5. Zakona o poticaju razvoja male privrede ("Službene novine Kantona Sarajevo", broj: 29/15), koji imaju sjedište ili poslovnu jedinicu registriranu na području Kantona uz uslov implementacije odobrenih sredstava za provođenje poslovnih aktivnosti na području Kantona.

Ukupan iznos sredstava za ovu namjenu: 1.090.000,00 KM.

Iznos poticajnih kreditnih sredstava utvrđuje se nakon provedene analize kreditnog zahtjeva i kreditne sposobnosti svakog subjekta i uz saglasnost Ministarstva privrede za svaki od strane banke obrađeni zahtjev privrednog subjekta za odobrenje kreditiranja – finansiranja. Iznos pojedinačnih poticajnih kreditnih sredstava je do 1,000,000.00 KM, a dodjeljuju se na rok od tri godine (36 mjeseci) do 7 godina (84 mjeseca). Godišnjim planom za 2017. godinu za ovu namjenu predviđen je iznos od 1.090.000,00 KM.

1.2. Program: Subvencioniranje kamata po preuzetim kreditima**Cilj:**

Program omogućava subjektima male privrede koji su kreditno zaduženi u komercijalnim bankama, za nabavku trajnih sredstava, opreme i/ili finansiranja investicija za rast i razvoj subjekata male privrede, da dobiju grant finansijska sredstva na ime subvencioniranja dijela plaćenih troškova kamate, kao i za subvencioniranje dijela plaćenih troškova kamate po kreditima odobrenim putem Kreditno Garantnog Fonda Serda. Ovim putem se subvencionira dio troškova plaćene kamate na odobrena kreditna sredstva putem komercijalnih banaka sa efektivnom kamatnom stopom (EKS) od 5,00 do 10%, a za kreditna sredstva odobrena putem KGF SERDA u skladu sa važećim aktima Kreditno Garantnog Fonda Serda. Ostvarene subvencije služe za ulaganja u obavljanje registrovane djelatnosti, o čemu korisnik subvencije dostavlja dokaz uz Izvještaj o utrošku sredstava.

Kriteriji za izbor:

a) Podnosioci zahtjeva koji su kreditno zaduženi u komercijalnim bankama obavezni su dostaviti: program/projekt na osnovu kojeg su ostvarili kredit, ugovor o kreditu sa komercijalnom bankom sa anuitetnim planom (plan otplate kredita) i Potvrdu banke o redovnoj otplati kredita sa obaveznim pregledom i ukupnim iznosom obračunatih i naplaćenih kamata za svaku godinu za koju se traži subvencija dijela troškova kamate, te ostalu dokumentaciju u skladu sa Pravilnikom i Javnim pozivom. U slučaju da subjekti male privrede podnesu zahtjeve koji su u ukupnom iznosu veći od planiranog iznosa za ovu namjenu prednost prilikom izbora korisnika imaju subjekti koji se bave proizvodnom djelatnošću, a posebno izvozno orijentisani subjekti male privrede. Kriteriji za izbor korisnika poticajnih grant sredstava po ovom Programu utvrđeni su Pravilnikom, javnim pozivom i kriterijima za bodovanje (u prilogu Tabela: 1.1). Ukupan iznos sredstava za ovu namjenu je 150.000,00 KM.

b) Subvencioniranje troškova kamate subjektima male privrede na kreditna sredstva odobrena putem KGF SERDA d.o.o. obaviti će se u skladu sa: Odlukom Vlade Kantona Sarajevo, Pravilnikom o radu Kreditno Garantnog Fonda Serda d.o.o. i Pravilnikom o postupcima u provođenju Programa razvoja male privrede ("Službene novine Kantona Sarajevo", br. 17/16, 30/16, 42/16 i 21/17). Ukupan iznos sredstava za ovu namjenu je 600.000,00 KM.

Korisnici programa:

Pravo na dodjelu poticajnih grant sredstava za subvencioniranje kamata po preuzetim kreditima u komercijalnim bankama, ostvaruju subjekti male privrede definisani u članu 5. Zakona, koji imaju sjedište na prostoru Kantona Sarajevo, i koji su uredno servisirali obaveze po kreditu u 2014.; 2015. i 2016. godini, a nisu bili obuhvaćeni istim programom u 2016. godini. Subvencionirati će se dio troškova kamate za realizovane kredite koji imaju efektivnu kamatnu stopu (EKS) od 5,00 do 10%.

Visina subvencioniranog dijela plaćenih troškova kamata za kreditna zaduženja u komercijalnim bankama sa EKS od 5,00 do 10% za 2014.; 2015. i 2016. godini iznosi:

1. -50% plaćenih troškova kamate na kredite sa efektivnom kamatnom stopom 5,00 do 7,00%.
2. - 60% plaćenih troškova kamate na kredite sa efektivnom kamatnom stopom 7,01 do 10%..

Ukupan iznos sredstava za ove namjene:

Godišnjim planom za 2017. godinu za sve podnosiocce zahtjeva, koji su kreditno zaduženi u komercijalnim bankama, predviđen je ukupan iznos sredstava od 150.000,00 KM, a za subvencioniranje dijela troškova kamate na kreditna sredstva odobrena putem KGF SERDA d.o.o. predviđen je ukupan iznos sredstava od 600.000,00 KM. Sredstva u ukupnom iznosu od 750.000,00 KM obezbijedena su u Budžetu Kantona Sarajevo na poziciji "Podsticaj razvoju male privrede" (ekonomski kod 614 300). Minimalan iznos kredita za koji podnosioci zahtjeva, koji su kreditno zaduženi u komercijalnim bankama u komercijalnim bankama, mogu podnijeti zahtjev za subvencioniranje dijela troškova kamata je 50.000,00 KM, a maksimalan iznos kredita je 1.000.000,00 KM. Ukoliko korisnik realizuje dva ili više kredita imat će pravo na subvencioniranje dijela troškova kamata na zbir kredita koji ne prelazi iznos od 1.000.000,00 KM.

1.3 Program: Unapređenje institucijske preduzetničke infrastrukture

Cilj:

Cilj i namjena sufinansiranja programa/projekata u oblasti institucijske preduzetničke infrastrukture podrazumijeva subvencioniranje dijela troškova nosioca programa razvoja male privrede u realizaciji odgovarajućih programa/projekata, čime se potiče stvaranje preduslova za razvoj subjekata male privrede (MSP), pružanje stručne i savjetodavne pomoći kroz aktivnosti "Centra za poduzetništvo" Privredne komore Kantona Sarajevo, edukacije za privredne subjekte u osnivanju, rastu i razvoju, prikupljanje podataka, izrada i održavanje baze podataka aktivnih privrednih subjekata registrovanih u Kantonu Sarajevo, kao i pružanje stručne podrške i druge edukacije iz oblasti preduzetništva.

Kriteriji za izbor:

Program/projekt mora da nudi adekvatne i kvalitetne uslove za razvoj preduzetništva, te omogućiti kreiranje novih mogućnosti za zapošljavanje i otvaranje novih radnih mjesta. Program/projekt mora biti sufinansiran od strane podnosioca zahtjeva koji aplicira za poticajna grant sredstva sa minimalno 20 % od ukupne vrijednosti projekta, a sredstva moraju biti osigurana iz vlastitih ili drugih izvora finansiranja u vrijeme podnošenja zahtjeva. Programi/projekti koji u strukturi sufinansiranja nisu predvidjeli vlastito učešće neće biti razmatrani. Kriteriji za izbor korisnika utvrđeni su Pravilnikom, javnim pozivom i kriterijima za bodovanje (u prilogu Tabela: 1.2).

Korisnici programa:

Pravo na dodjelu poticajnih grant sredstava za sufinansiranje programa/projekata za unapređenje institucijske preduzetničke infrastrukture u skladu sa čl. 16. i 17. Zakona, ostvaruju Regionalna razvojna agencije SERDA i Privredna komora Kantona Sarajevo, koje su nosioci implementacije projekta, podnosioci zahtjeva i koje su odgovorne za realizaciju svih predviđenih i odobrenih programskih/projektnih aktivnosti, uključujući i preuzimanje finansijskih obaveza. Svi drugi subjekti koji učestvuju u implementaciji programa/projekata mogu biti samo partneri u projektu.

Ukupan iznos sredstava za ovu namjenu: 180.000,00 KM.

Godišnjim planom za 2017. godinu za provođenje ovog Programa predviđen je ukupan iznos od 180.000,00 KM, a sredstva su obezbijedena u Budžetu Kantona Sarajevo na poziciji "Podsticaj razvoju male privrede" (ekonomski kod 614 300). Vrijednost pojedinačnih programa/projekata s kojim se aplicira ne može biti niža od 30.000 KM niti viša od 60.000 KM. Finansijski doprinosi nosioca implementacije programskih/projektnih aktivnosti u iznosu od minimalno 20% vrijednosti programa/projekta su obavezni i moraju biti osigurani prilikom podnošenja zahtjeva iz vlastitih ili drugih izvora finansiranja u vrijeme podnošenja zahtjeva.

1.4 Program: Podrška u primjeni tehničkih normi i standarda kvalitete

Cilj:

Podrška za uvođenje i certificiranje sistema kvaliteta i standarda EU je program subvencioniranja dijela troškova subjekata male privrede prilikom uvođenja međunarodnih standarda (ISO, HACCP, HALAL i drugih standarda), osiguranja CE znaka, kao i za njihovo obnavljanje sa ciljem usklađenosti vlastitih proizvoda prema normama i smjernicama EU, i potiče konkurentnost subjekata male privrede na domaćem i inostranom tržištu. Ostvarene subvencije služe za ulaganja u obavljanje registrovane djelatnosti, o čemu korisnik subvencije dostavlja dokaz uz Izvještaj o utrošku sredstava.

Kriteriji za izbor:

Osnovni kriteriji za ostvarivanje prava na dodjelu poticajnih grant sredstava za ove namjene ocjenjuje se kroz djelatnost koju subjekt male privrede obavlja: proizvodna, proizvodno – uslužna i uslužna, broj zaposlenih, povećanje zaposlenosti, orijentiranost izvozu, izvori i način finansiranja. Uslovi za izbor korisnika poticajnih grant sredstava za ove namjene su: da se subjekti male privrede nalaze u postupku ili su tokom 2014., 2015. i 2016. godine koristili konsultantske usluge ili edukacije za uvođenje i certificiranje kvaliteta i druge standarde EU, te o tome podnesu adekvatne dokaze (Ugovor, račun i izvod iz banke o plaćenim troškovima), da subjekti male privrede posjeduju dokaze (certifikat izdat od ovlaštene certifikacijske organizacije u 2014./ 2015. i/ili 2016. godini; obnovljen standard u 2014./ 2015. i/ili 2016. godini; osiguran CE znak u 2014./ 2015. i/ili 2016. godini ili posjeduju Tehnički fajl-dosije) sa svim pripadajućim procedurama, uputstvima i zapisima za osiguranje kvalitete proizvoda, te podnesu dokaze o izvršenim uslugama (Ugovor, račun i izvod iz banke o plaćenim troškovima). Kriteriji za izbor korisnika utvrđeni su Pravilnikom, javnim pozivom i kriterijima za bodovanje (u prilogu Tabela: 1.3).

Korisnici programa:

Pravo na poticajna grant sredstava za subvencioniranje dijela troškova nastalih u 2014., 2015 i 2016. godini imaju svi u skladu sa Zakonom definisani subjekti male privrede, sa sjedištem na prostoru Kantona Sarajevo za: konsultantske usluge ili edukaciju prilikom uvođenja sistema i standarda kvalitete; za certificiranje sistema i certificiranje proizvoda (CE oznaka) kojima obezbjeđuju usklađenost vlastitih proizvoda prema europskim normama i smjernicama; te za troškove stjecanja prava ili obnavljanja upotrebe ISO, HACCP, HALAL i drugih međunarodno priznatih standarda.

Ukupan iznos sredstava za ovu namjenu: 80.000,00 KM.

Godišnjim planom za 2017. godinu za ovu namjenu predviđen je iznos od 80.000,00 KM. Sredstva će se dodjeljivati u iznosu do 75% priznatih troškova utrošenih za ove namjene, a u maksimalnom iznosu po jednom korisniku do 30.000,00 KM. Sredstva za subvencioniranje troškova uplaćuju se na račun korisnika po osnovu dostavljenih Ugovora/računa kojima se dokazuje namjensko korištenje sredstava i dostavljenog dokaza o plaćanju istog Ugovora/računa (izvod iz banke).

1.5 Program: Unaprjeđenje rada udruženja obrtnika

Cilj:

Unaprjeđenje rada udruženja obrtnika je program čija namjena predviđa subvenciju dijela troškova za provođenje odgovarajućeg programa/projekta razvoja obrta, očuvanja obrtničke tradicije, kulturnog i historijskog nasljeđa tradicionalnih i starih obrtničkih djelatnosti, edukacije i stručnog osposobljavanja mladih u cilju jačanja veza između obrazovnog sistema i obrtništva, interesnog umrežavanje obrtnika i organizovanog zastupanja interesa obrtnika, sa krajnjim ciljem jačanja rada Obrtničke Komore i udruženja obrtnika, te razvoja i afirmacije svih obrta.

Kriteriji za izbor:

Kriteriji za izbor korisnika poticajnih grant sredstava podrazumijevaju obavezno dostavljanje programa/projekta koji obuhvata: usklađenost sa namjenom sredstava, izvore/način finansiranja, broj članova udruženja obrtnika, organiziranost udruženja i komore, broj učesnika u programu/projektu,

dosadašnje poticaje od strane ministarstva privrede i FMRPO, i sl.. Kriteriji za izbor korisnika utvrđeni su Pravilnikom, javnim pozivom i kriterijima za bodovanje (u prilogu Tabela: 1.4).

Korisnici programa:

Pravo na dodjelu poticajnih grant sredstava za odgovarajući program/projekt u skladu sa Javnim pozivom ostvaruju sva udruženja obrtnika koja su uredno registrovana na području Kantona Sarajevo i Obrtnička Komora Kantona Sarajevo, a koji uredno izmiruju sve zakonom predviđene obaveze.

Ukupan iznos sredstava za ovu namjenu: 20.000,00 KM

Godišnjim planom za 2016. godinu za ovu namjenu predviđen je iznos od 20.000,00 KM, a sredstva su obezbijedena u Budžetu Kantona Sarajevo na poziciji "Podsticaj razvoju male privrede" (ekonomski kod 614 300) i biće raspoređena na programe koji zadovolje kriterije iz Javnog poziva.

1.6 Program: Poticaj novoosnovanim – start up subjektima male privrede

Cilj:

Ciljevi koji se žele postići ovim Programom su: ekonomski rast i razvoj novoosnovanih subjekata male privrede na području Kantona Sarajevo, održivost i nova zapošljavanja. Nepovratne subvencije dodjeljuju se preduzetnicima – početnicima za troškove nastale u fazi pokretanja privredne aktivnosti, odnosno za: nabavu opreme, alata, uređenje (građevinski, instalacijski i radovi unutrašnjeg uređenja) i zakup poslovnog prostora, izradu poslovnog plana i konsultantske usluge, ukoliko isti troškovi po istom osnovu nisu sufinansirani od drugih institucija prilikom njihove registracije. Ostvareni iznosi subvencije služe za dalja ulaganja u obavljanje registrovane djelatnosti, o čemu korisnik dostavlja dokaz uz Izvještaj o utrošku sredstava.

Kriteriji za izbor:

Izbor korisnika poticajnih grant sredstava, odnosno novoosnovanih – start up subjekata male privrede vrši se na osnovu dostavljenog projekta i biznis plana za koji se traži subvencija dijela troškova, uz obavezno dostavljanje računa/ugovora kojima se dokazuje namjensko korištenje sredstava i obaveznog dokaza o podmirenju računa/ugovora (izvod iz banke). U slučaju da subjekti male privrede podnesu zahtjeve koji su u ukupnom iznosu veći od planiranog iznosa za ovu namjenu prednost prilikom izbora korisnika imaju subjekti koji se bave proizvodnom djelatnošću, a posebno izvozno orijentisani subjekti male privrede i subjekti za koje je Vlada Kantona izrazila stav da se radi o strateškim privrednim granama. Kriteriji za izbor korisnika utvrđeni su Pravilnikom, javnim pozivom i kriterijima za bodovanje (u prilogu Tabela: 1.5).

Korisnici programa:

Pravo na poticajna grant sredstava za subvencioniranje dijela troškova za nabavu opreme, alata, uređenje (građevinski, instalacijski i radovi unutrašnjeg uređenja) i zakup poslovnog prostora, izradu poslovnog plana i konsultantske usluge, ostvaruju subjekti male privrede koji imaju registrovanu djelatnost unutar slijedećih područja Klasifikacije djelatnosti KD BiH 2010 ("Službeni glasnik BiH", broj 47/10): Područje C – Prerađivačka industrija (oblasti 10, 16 do 31), Područja F – Građevinarstvo i Područja J – Informacije i komunikacije - oblast 62. Korisnici poticaja su preduzetnici početnici sa sjedištem na području Kantona Sarajevo, koji imaju najmanje jednog (1) zaposlenog na neodređeno vrijeme, uključujući i vlasnika. Preduzetnicima – početnicima smatraju se preduzetnici koji prvi puta osnivaju subjekt male privrede i koji su registrovani nakon 01.01.2016. godine. Pravo prvenstva imaju podnosioci zahtjeva za poticaj koji se bave proizvodnom djelatnošću, a posebno izvozno orijentisani subjekti male privrede.

Ukupan iznos sredstava za ovu namjenu: 80.000,00 KM

Godišnjim planom za 2017. godinu za ovu namjenu predviđen je ukupan iznos od 80.000,00 KM. Sredstva poticaja uplaćuju se na račun korisnika po dostavljenim računima kojima se dokazuje namjensko korištenje sredstava i dostavljenom dokazu o podmirenju računa (izvod iz banke). Sredstva za provođenje ovog Programa dodjeljuju se isključivo za troškove nastale nakon

01.01.2016. godine. Poticaj može iznositi do 50% prihvatljivih i dokumentiranih troškova, a najviše ukupno 15.000,00 KM za jedan privredni subjekt.

1.7 Program: Poticaj razvoja ženskog preduzetništva

Cilj:

Ovim Programom obezbjeđuju se poticajna grant sredstva ženama preduzeticama za troškove ulaganja u projekte ženskog preduzetništva sa svrhom tehnološkog unaprjeđenja poslovanja uz uslov da se sjedište privrednog subjekta nalazi na području Kantona Sarajevo.

Kriteriji za izbor:

Izbor korisnika grant poticajnih grant sredstava za subvencioniranje dijela troškova po ovom Programu vrši se na osnovu dostavljenog projekta, biznis plana za koji se traži subvencija dijela troškova, uz obavezno dostavljanje računa/ugovora kojima se dokazuje namjensko korištenje sredstava i obaveznog dokaza o podmirenju računa/ugovora (izvod iz banke). U slučaju da subjekti male privrede podnesu zahtjeve koji su u ukupnom iznosu veći od planiranog iznosa za ovu namjenu prednost prilikom izbora korisnika imaju subjekti koji se bave proizvodnom djelatnošću, a posebno izvozno orijentirani subjekti male privrede. Kriteriji za izbor korisnika utvrđeni su Pravilnikom, javnim pozivom i kriterijima za bodovanje (u prilogu Tabela: 1.6).

Korisnici programa:

Pravo na poticajna grant sredstava po ovom Programu ostvaruju subjekti male privrede definisani u skladu sa Zakonom, sa sjedištem na području Kantona Sarajevo, koji su u većinskom (minimalno 51%) privatnom vlasništvu žena državljanke Bosne i Hercegovine sa najmanje jednom zaposlenom osobom na neodređeno vrijeme, uključujući i vlasnicu. Pravo na poticajna grant sredstava za subvencioniranje dijela plaćenih troškova u 2015. i 2016. godini ostvaruju subjekti male privrede koji imaju registrovanu djelatnost unutar sljedećih područja Klasifikacije djelatnosti KD BiH 2010: Područje C – Prerađivačka industrija (oblasti 10 i 15 do 31), Područja F – Građevinarstvo i Područja J – Informacije i komunikacije - oblast 62. Poticajna grant sredstava dodjeljuju se za: unutrašnje uređenje poslovnog prostora; nabavku mašina, postrojenja i opreme, mjernih i kontrolnih uređaja i instrumenata; ulaganje u razvoj i nabavu novih tehnologija; ulaganje u povećanje postojećih proizvodnih kapaciteta i usluga; ulaganje u energetske učinkovitiju proizvodnju i usluge; i sufinansiranje troškova poslovnog softvera neophodnog za unaprjeđenje kvalitete rada u proizvodnom, odnosno poslovnom procesu.

Ukupan iznos sredstava za ovu namjenu: 80.000,00 KM

Sredstva za subvencioniranje dijela troškova u visini do 80 % dokumentiranih troškova za navedene aktivnosti, uplaćuju se na račun korisnika po osnovu dostavljenih računa/ugovora kojima se dokazuje namjensko korištenje sredstava i dostavljenog dokaza o plaćanju računa/ugovora (izvod iz banke). Sredstva za provođenje ovog Programa po Javnom pozivu dodjeljuju se isključivo za troškove sa datumom fakture od 01.01.2015.godine do 31.12.2016. godine. Minimalni iznos prihvatljivih troškova je 10.000,00 KM, a maksimalan iznos poticaja najviše 20.000,00 KM prihvatljivih troškova za jedan privredni subjekt.

1.8 Program: Poticaj za unaprjeđenje IT preduzetništva

Cilj:

Ovim Programom daje se podrška poboljšanju kvaliteta znanja, prilagođavanja radu u IT kompanijama i upotrebi savremene informacijske i komunikacijske tehnologije sa krajnjim ciljem da se u IT kompanijama nakon provedenog programa edukacije i obuke izvrši zapošljavanje osoba koje se bave djelatnostima baziranim na znanju i savremenim informacionim tehnologijama i drugih koji u skladu sa zahtjevima IT kompanija ispunjavaju uvjete za pohađanje predmetne obuke. Program je

namijenjen mladim i preduzetnicima početnicima, te onima koji žele da se bave djelatnostima baziranim na znanju i savremenim informaciono komunikacionim tehnologijama (IKT).

Kriteriji za izbor:

Podnosilac ponude mora biti registrovan za pružanje usluga u oblasti informaciono komunikacionih tehnologija, mora raspolagati poslovnim prostorom koji je opremljen odgovarajućom IT opremom, edukativni centar sa računarima i opremom vrhunskih performansi, te konferencijske sale prilagođene za rad u radionicama, softvere, skripte, računare, table, projektor i ostala pomoćna sredstva. Podnosilac ponude mora dostaviti program – projekt obuke prilagođen svojoj kompaniji i krajnjem cilju zapošljavanja polaznika koji uspješno završe obuku. Obuke moraju biti organizovane iz oblasti korištenja IT tehnologija, što podrazumijeva obuku s ciljem da mladi ljudi steknu vještine rada, koje će kasnije koristiti u radu u IT kompanijama ili sa lokalnim/globalnim tržištem ili za otvaranje vlastitog biznisa-startup preduzeća. Kriteriji za izbor korisnika utvrđeni su Pravilnikom, javnim pozivom i kriterijima za bodovanje (u prilogu Tabela: 1.7).

Korisnici programa:

Pravo na dodjelu poticajnih grant sredstava za subvencioniranje troškova ostvaruju privredni subjekti u IT sektoru koji imaju sjedište na teritoriji Kantona Sarajevo, registrovani su za pružanje usluga u oblasti informaciono komunikacionih tehnologija (Područje J – Informacije i komunikacije-oblast 62), a koji su u 2017. godini realizovali ili realizuju program/projekt edukacije, obuke i osposobljavanja u trajanju od najmanje tri mjeseca, kojim se omogućava poboljšanje kvaliteta znanja i upotrebe savremene informacijske i komunikacijske tehnologije sa krajnjim ciljem da se u kompanijama koje provedu program obuke ili sličnim kompanijama izvrši zapošljavanje većeg broja mladih (koji se bave djelatnostima baziranim na znanju i savremenim informacionim tehnologijama), i ostalih, mladih nezaposlenih osoba koji u skladu sa zahtjevima IT kompanija ispunjavaju preduvjete za pohađanje predmetne obuke za rad u IT kompanijama ili za otvaranje vlastitog biznisa-startup preduzeća. .

Ukupan iznos sredstava za ovu namjenu: 160.000,00 KM.

Godišnjim planom za 2017. godinu za ovu namjenu predviđen je ukupan iznos od 160.000,00 KM, pri čemu maksimalni iznos subvencioniranih sredstava za provođenje jedne obuke ne može biti veći od 50.000,00 KM. Ostvarene subvencije služe za dalja ulaganja u obavljanje registrovane djelatnosti ili provođenje nove obuke, o čemu korisnik uz Izvještaj dostavlja i dokaz utrošku sredstava.

1.9 Program: Istraživanje, razvoj i primjena savremenih tehnologija i inovacija u upravljanju otpadom kao energentom

Cilj:

Finansiranje izrade programa/projekta o mogućnostima razvoja subjekata male privrede (MSP) u Kantonu Sarajevo kroz projekte iskorištavanja otpada kao sirovine i energenta, uz primjenu najboljih raspoloživih praksi u EU, te priprema potencijalnih projekata subjekata male privrede (MSP) iz sektora upravljanja otpadom kao energentom za apliciranje na EU fondove, a koji je u skladu sa smjernicama za ostvarivanje predpristupne pomoći iz EU fondova. Cilj ovog Programa je da se stvore preduslovi za osnivanje novog subjekta male privrede koji će se baviti obradom otpada koristeći savremene tehnologije, zapošljavanje i zaštita okoliša.

Kriteriji za izbor:

Podnosilac programa/projekta mora biti registrovan za pružanje usluga u oblasti istraživanja, razvoja i primjeni savremenih tehnologija i inovacija u upravljanju otpadom. Dostavljeni program/projekta mora: obuhvatiti istraživanje i profitabilna rješenja korištenja otpada kao sirovine i energenta; predložiti najbolje tehnike i tehnologije za korištenje selektiranih kategorija otpada; sadržavati istraživanje i identifikovanje potencijalnih projekata subjekata male privrede (MSP) u Kantonu Sarajevo koji imaju realne mogućnosti sufinansiranja iz EU fondova; te ponuditi osnovne elemente

za ekonomsku opravdanost osnivanja privrednog subjekta i otvaranje pogona za iskorištavanje otpada kao sirovine i energenta. Kriteriji za izbor korisnika utvrđeni su Pravilnikom, javnim pozivom i kriterijima za bodovanje (u prilogu Tabela: 1.8).

Korisnici programa:

Na osnovu čl. 9. tač. e) i f) i 12. tačka i) Zakona o poticaju razvoja male privrede Kantona Sarajevo, pravo učešća ostvaruju subjekti male privrede definisani u skladu sa navedenim Zakonom, sa sjedištem na području Kantona Sarajevo, koji su uredno registrovani za obavljanje djelatnosti istraživanja u prirodnim, tehničkim i tehnološkim oblastima. Pravo ostvaruju subjekti male privrede koji imaju registrovanu djelatnost unutar slijedećih područja Klasifikacije djelatnosti KD BiH 2010: Područje E (Opskrba vodom; uklanjanje otpadnih voda, gospodarenje otpadom te djelatnosti sanacije okoliša-oblast 38) i Područje M (Stručne, znanstvene i tehničke djelatnosti-oblast 72.19).

Ukupan iznos sredstava za ovu namjenu: 40.000,00 KM.

Godišnjim planom za 2017. godinu za ovu namjenu predviđen je ukupan iznos od 40.000,00 KM, na poziciji "Podsticaj razvoju male privrede" (ekonomski kod 614 300). Ministarstvo privrede će prihvatiti najviše dvije prijave programa/projekta po jednom aplikantu. Pojedinačna vrijednost dostavljenog programa/projekta ne smije prelaziti iznos od 20.000,00 KM.

III

U skladu sa Pravilnikom o postupcima u provođenju Programa razvoja male privrede, Ministarstvo privrede Kantona Sarajevo objavljuje Javni poziv za izbor korisnika poticajnih grant sredstava. Obavještenje o Javnom pozivu za podnošenje zahtjeva za dodjelu poticajnih sredstava u 2017. godini objaviti će se u "Službenim novinama Kantona Sarajevo" i u dnevnim novinama, a na web stranicama Vlade Kantona Sarajevo i Ministarstva privrede potpuni tekst Javnog poziva sa prijavnim obrascima za svaki objavljeni Program.

IV

U svom radu Komisija formirana u skladu sa Pravilnikom može po potrebi, a radi što objektivnijeg vrednovanja prijava po pojedinim programima, zatražiti konsultacije eksperata iz datih oblasti, kao i dodatno pojašnjenje od strane podnosioca prijave na javni poziv.

V


Utvrđivanje Prijedloga korisnika poticajnih sredstava vrši se u skladu sa navedenim Pravilnikom, javnim pozivom i kriterijima za bodovanje. Kriteriji za bodovanje (Tabele 1.1; 1.2; 1.3; 1.4; 1.5; 1.6; 1.7 i 1.8) su sastavni dio ovog Programa.

VI

Poticajna sredstva, po onovu navedenih programa u tački II ovog Programa dodjeljuju se na način utvrđen Pravilnikom.

VII

Nadzor namjenskog utroška poticajnih sredstava vrši se u skladu sa Pravilnikom i Programom razvoja male privrede za period 2016.-2019. godina.



MINISTAR

Dr Muharem Šabić

Tabela 1.1 Program: Subvencioniranje kamata po preuzetim kreditima

Kriteriji za bodovanje (u skladu sa članom 14. stav (3) Pravilnika)

R/b	Kriterij	Uslovi	Broj bodova	Izvor verifikacije
1.	Djelatnost	Proizvodna	30	Prijavni obrazac; Registracija; Obavještenje o razvrstavanju pravnog lica prema klasifikaciji
		Proizvodno - uslužna	25	
		Uslužna	20	
		Uslužno-trgovinska	15	
2.	Namjena kreditnih sredstava	kupovina opreme, uključujući troškove prevoza i montaže	30	Prijavni obrazac, Dokaz o utrošku kred. sredstava (račun, faktura, ugovor), potvrda banke o redovnoj otplati kredita sa obaveznim pregledom i ukupnim iznosom obračunatih i naplaćenih kamata za svaku godinu
		kupovina, dogradnja ili izgradnja poslovnog prostora	25	
		ulaganje u obrtna sredstva	10	
3.	Ukupan broj zaposlenih radnika	Više od 50	15	Prijavni obrazac (podatak o broju zaposlenih); Lista osiguranih lica za obveznika za prethodni mjesec u odnosu na dan apliciranja u 2017. godini izdata od Poreske uprave
		10- 49	10	
		1 – 9	5	
4.	Novozaposleni radnici u 2015. i/ili 2016. godini	6 i više	15	Prijavni obrazac (podatak o broju i strukturi novozaposlenih); Lista osiguranih lica za obveznika za prethodni mjesec u odnosu na dan apliciranja u godini odobrenja kredita izdata od Poreske uprave
		1 – 5	10	
5.	Projekt	Zahtjev po osnovu kojeg je odobren kredit	10	Ugovor o dugoročnom kreditu

Tabela 1.2 Program: Unapređenje institucijske preduzetničke infrastrukture

Kriteriji za bodovanje (u skladu sa članom 14. stav (3) Pravilnika)

R/b	Kriterij	Uslovi	Broj bodova	Izvor verifikacije
1.	Broj korisnika (MSP, startupa i mladih) koji će koristiti usluge biznis startup centra/poslovnog inkubatora ili centra za preduzetništvo, baze i analize podataka aktivnih privrednih subjekata	Više od 20 korisnika	30	Prijavni obrazac (podatak o broju korisnika); Izjava o broju korisnika programa, Format prijedloga projekta
		11 do 20 korisnika	25	
		1 do 10 korisnika	20	
2.	Finansiranje programa/projekta iz sopstvenih ili iz drugih izvora u odnosu na ukupnu investiciju, izuzimajući sredstva tražena od Ministarstva	Više od 30%	30	Prijavni obrazac i Format prijedloga projekta sa podacima iz budžeta sa jasno definiranim izvorima sredstava; Dokaz o obezbjeđenju sredstava iz drugih izvora (Izvod iz banke, Odluka o dodjeli sredstava i sl.)
		21% do 30%	25	
		20%	10	
3.	Poticaj mladima za biznis (broj mladih starosti do 30 godina) koji će koristiti usluge startup centra/poslovnog inkubatora ili centra za preduzetništvo	Više od 10	15	Prijavni obrazac (podatak o broju mladih); Izjava o broju korisnika programa iz populacije mladih; Format prijedloga projekta
		6 do 10	10	
		1 do 5	5	
4.	Uključenost predavača, obrazovnih ili drugih institucija u realizaciju programa/projekta	Više od 2	10	Potpisan i ovjeren ugovor, sporazum, memorandum ili pismo podrške koji jasno dokazuju da obrazovna ili druga institucija učestvuje u realizaciji programa/projekta
		1 do 2	5	
5.	Projekt	Ciljevi: edukacija i osposobljavanje, zapošljavanje, povećanje broja MSP	15	Format prijedloga projekta

Tabela 1.3 Program: Podrška za uvođenje i certificiranje kvaliteta i standarde EU

Kriteriji za bodovanje (u skladu sa članom 14. stav (3) Pravilnika)

R/b	Kriterij	Uslovi	Broj bodova	Izvor verifikacije
1.	Djelatnost	Proizvodna	20	Prijavni obrazac (podatak o šifri i vrsti djelatnosti); Obavještenje o razvrstavanju pravnog lica prema KD 2010 klasifikaciji
		Proizvodno - uslužna	10	
2.	Namjena poticajnih sredstava	Za uvođenje ISO/ HACCP/HALAL standarda	20	Prijavni obrazac (podatak o namjeni poticajnih sredstava), Dokaz o utrošku sredstava: račun, faktura, ugovor (u slučaju kombinovane namjene broj bodova se određuje prema tome za koju je namjenu utrošena većina sredstava)
		Za obnavljanje ISO/ HACCP/HALAL standarda	15	
		Za osiguranje CE znaka	20	
3.	Ukupan broj zaposlenih radnika	Više od 50	15	Prijavni obrazac, Format prijedloga projekta; Dokaz o ukupnom broju uposlenih u privrednom subjektu (Potvrda Porezne uprave i ovjerena i potpisana Izjava kompanije)
		10- 49	10	
		1 – 9	5	
4.	Ukupan broj novozaposlenih radnika u 2015. i/ili 2016. godini	6 i više	15	Prijavni obrazac, Format prijedloga projekta; Dokaz o broju novozaposlenih (2015./2016. godina) u privrednom subjektu (Potvrda Porezne uprave i ovjerena i potpisana Izjava kompanije)
		1 – 5	10	
5.	Orijentisanost izvozu(% učešća izvoza u ukupnom prihodu)	Više od 25%	20	Izjava i dokaz o ostvarenom iznosu izvoza (KM) u prethodnoj godini.
		16% do 25%	15	
		5% do 15%	10	
6.	Projekt	Format prijedloga projekta	10	Ciljevi: ekonomski rast i povećanje izvoza

Tabela 1.4 Program: Unaprjeđenje rada udruženja obrtnika

Kriteriji za bodovanje (u skladu sa članom 14. stav (3) Pravilnika)

R/b	Kriterij	Uslovi	Broj bodova	Izvor verifikacije
1.	Broj krajnjih korisnika	Više od 100 korisnika	30	Prijavni obrazac (podatak o broju krajnjih korisnika programa rada); Lista registrovanih članova udruženja/obrtničke komore. Format prijedloga projekta
		51 do 100 korisnika	25	
		31 do 50 korisnika	20	
		1 do 30 korisnika	15	
2.	Finansiranje programa/ projekta iz sopstvenih ili iz drugih izvora u odnosu na ukupnu investiciju, izuzimajući sredstva tražena od Ministarstva	Više od 25%	30	Prijavni obrazac i Format prijedloga projekta sa podacima iz budžeta sa jasno definiranim izvorima sredstava; Dokaz o obezbjeđenju sredstava iz drugih izvora (Izvod iz banke, Odluka o dodjeli sredstava i sl.)
		16% do 25%	25	
		10% do 15%	20	
3.	Saradnja sa ostalim udruženjima obrtnika iz zemlje i okruženja	Više od 3	15	Prijavni obrazac; Potvrda - izjava o saradnji sa ostalim udruženjima obrtnika iz zemlje i okruženja. Format prijedloga projekta
		1 do 3	10	
		NE	0	
4.	Uključenost obrazovnih ili drugih institucija u realizaciju programa/projekta	DA	10	Potpisan i ovjeren ugovor, sporazum, memorandum ili pismo podrške koji jasno dokazuju da obrazovna ili druga institucija učestvuje u realizaciji programa/projekta
		NE	0	
5.	Projekt	Ciljevi koji se žele postići: opstanak, razvoj i afirmacija obrta i udruženja obrtnika	15	Format prijedloga projekta

Tabela 1.5 Program: Poticaj novoosnovanim – startup subjektima male privrede

Kriteriji za bodovanje (u skladu sa članom 14. stav (3) Pravilnika)

R/b	Kriterij	Uslovi	Broj bodova	Izvor verifikacije
1.	Djelatnost	Proizvodna	20	Prijavni obrazac (podatak o šifri i vrsti djelatnosti); Obavještenje o razvrstavanju pravnog lica prema KD 2010 klasifikaciji
		Proizvodno - uslužna	10	
2.	Namjena poticajnih sredstava	Nabavka osnovnih sredstava (opreme i alata)	20	Prijavni obrazac (podatak o namjeni poticajnih sredstava), Dokaz o utrošku sredstava: račun, faktura, ugovor (u slučaju kombinovane namjene broj bodova se određuje prema tome za koju je namjenu utrošena većina sredstava), Format prijedloga projekta
		Uređenje poslovnog objekta (građevinski radovi, instalacijski i unutrašnje uređenje) ili zakup poslovnog prostora	15	
		Izrada poslovnog plana i konsultantske usluge	10	
3.	Ukupan broj zaposlenih radnika	Više od 5	15	Prijavni obrazac, Format prijedloga projekta; Dokaz o ukupnom broju uposlenih u privrednom subjektu (Potvrda Porezne uprave i ovjerena i potpisana Izjava kompanije)
		3 - 5	10	
		1 - 3	5	
4.	Novozaposleni radnici u 2014./2015. i/ili 2016. godini	Više od 2	15	Prijavni obrazac, Dokaz o broju novozaposlenih od 01.01.2016. godina u privrednom subjektu (Lista osiguranih lica za obveznika za prethodni mjesec u odnosu na dan apliciranja u 2016. izdata od Poreske uprave i ovjerena i potpisana Izjava privrednog subjekta)
		1 - 2	10	
5.	Orijentisanost izvozu(% učešća izvoza u ukupnom prihodu)	Više od 25%	20	Izjava i dokaz o ostvarenom iznosu izvozu (KM) u prethodnoj godini.
		16% do 25%	15	
		0% do 15%	10	
6.	Projekt	Format prijedloga projekta	10	Ciljevi: ekonomski rast i povećanje izvoza

Tabela 1.6 Program: Poticaj razvoja ženskog preduzetništva

Kriteriji za bodovanje (u skladu sa članom 14. stav (3) Pravilnika)

R/b	Kriterij	Uslovi	Broj bodova	Izvor verifikacije
1.	Djelatnost	Proizvodna	20	Prijavni obrazac (podatak o šifri i vrsti djelatnosti); Obavještenje o razvrstavanju pravnog lica prema KD 2010 klasifikaciji u skladu sa Godišnjim planom 2017.
		Proizvodno - uslužna	10	
2.	Namjena poticajnih sredstava	Nabavka osnovnih sredstava (opreme i alata)	20	Prijavni obrazac (podatak o namjeni poticajnih sredstava), Dokaz o utrošku sredstava: račun, faktura, ugovor (u slučaju kombinovane namjene broj bodova se određuje prema tome za koju je namjenu utrošena većina sredstava), dokaz o plaćanju računa (izvod iz banke). Sredstva se dodjeljuju isključivo za troškove sa datumom fakture nakon 01.01.2015.godine. Format prijedloga projekta
		Uređenje poslovnog objekta (građevinski radovi, instalacijski i unutrašnje uređenje) ili zakup poslovnog prostora	15	
		Izrada poslovnog plana i konsultantske usluge	10	
3.	Ukupan broj zaposlenih radnika	Više od 5	15	Prijavni obrazac, Format prijedloga projekta; Dokaz o ukupnom broju uposlenih u privrednom subjektu (Potvrda Porezne uprave i ovjerena i potpisana Izjava kompanije)
		3 - 5	10	
		1 - 3	5	
4.	Novozaposleni radnici u 2014./2015. i/ili 2016. godini	Više od 2	15	Prijavni obrazac, Dokaz o broju novozaposlenih od 01.01.2015. godina u privrednom subjektu (Lista osiguranih lica izdata od Poreske uprave i ovjerena i potpisana Izjava privrednog subjekta)
		1 - 2	10	
5.	Orijentisanost izvozu(% učešća izvoza u ukupnom prihodu)	Više od 25%	20	Izjava i dokaz o ostvarenom iznosu izvoza (KM) u prethodnoj godini.
		16% do 25%	15	
		0% do 15%	10	
6.	Projekt	Ciljevi: ekonomski rast i povećanje izvoza	10	Format prijedloga projekta

Tabela 1.7 Program: Poticaj za unaprjeđenje IT preduzetništva

Kriteriji za bodovanje (u skladu sa članom 14. stav (3) Pravilnika)

Rb	Kriterij	Uslovi	Broj bodova	Izvor verifikacije
1.	Broj krajnjih korisnika programa obuke	Više od 15 korisnika	25	Prijavni obrazac (podatak o broju krajnjih korisnika programa obuke); Obavještenje o razvrstavanju pravnog lica prema KD 2010 klasifikaciji u skladu sa Godišnjim planom 2017. Format prijedloga projekta
		10 do 15 korisnika	20	
		5 do 10 korisnika	15	
2.	Ukupan broj zaposlenih radnika u IT kompaniji - podnosiocu zahtjeva	Više od 50	20	Prijavni obrazac, Format prijedloga projekta; Dokaz o ukupnom broju uposlenih u kompaniji (Potvrda Porezne uprave ili ovjerena i potpisana Izjava kompanije)
		21 do 50	15	
		5 do 20	10	
3.	Broj korisnika obuke koji su zaposlenih u IT kompaniji nakon prethodno provedenih programa/projekta	Više od 5	20	Prijavni obrazac, Format prijedloga projekta; Dokaz o ukupnom broju novozaposlenih u 2015./2016. godini (Potvrda Porezne uprave i ovjerena i potpisana Izjava kompanije)
		Od 1 do 5	15	
		NE	0	
4.	Kreiranje platforme za zapošljavanje polaznika obuke u IT kompaniji ili otvaranje startup subjekata male privrede	DA	5	Prijavni obrazac, Format prijedloga programa/projekta;
		NE	0	
5.	Poticaj mladima za biznis (broj mladih starosti do 30 godina) koji će koristiti usluge obuke u IT kompaniji	Više od 10	15	Prijavni obrazac (podatak o broju mladih); Izjava o broju korisnika programa iz populacije mladih; Format prijedloga projekta
		6 do 10	10	
		1 do 5	5	
6.	<u>Projekt</u>	Cilj: otvaranje start up subjekta male privrede	15	Format prijedloga projekta

Tabela 1.8 Program: Poticaj za istraživanje, razvoj i primjenu savremenih tehnologija i inovacija u upravljanju otpadom

Kriteriji za bodovanje (u skladu sa članom 14. stav (3) Pravilnika)

R/b	Kriterij	Uslovi	Broj bodova	Izvor verifikacije
1.	Djelatnost	Privredni subjekt registrovan u skladu sa KD - Područje E (oblast 38) i Područje M (oblast 72.19).	10	Prijavni obrazac, Registracija i Obavještenje o razvrstavanju pravnog lica prema klasifikaciji KD 2010
		Ostali subjekti	0	
2.	Namjena poticajnih sredstava	Projekt istraživanje iskorištavanja otpada kao sirovine i energenta	15	Prijavni obrazac (podatak o namjeni poticajnih sredstava), u slučaju kombinovane namjene broj bodova se određuje prema tome za koju je namjenu većina sredstava)
		Istraživanje mogućih projekata MSP iz oblasti upravljanja otpadom za apliciranje na EU fondove	15	
3.	Ukupan broj angažovanih osoba na izradi programa/projekta	5 i više	10	Prijavni obrazac, Format prijedloga projekta; Dokaz o broju angažovanih osoba u privrednom subjektu na izradi programa/projekta (ovjerena i potpisana Izjava privrednog subjekta)
		1 – 4	5	
4.	Reference iz oblasti upravljanja otpadom	DA	15	Izjava i ugovor/i o ostvarenim rezultatima u obavljanju navedenih/sličnih aktivnosti u prethodnom periodu.
		NE	0	
5.	Program/Projekt	Istražiti profitabilna rješenja korištenja otpada kao sirovine i energenta, predložiti najbolje tehnike i tehnologije za uspješnu pripremu za korištenje, posebno za apliciranje na sufinansiranje EU	50	Format prijedloga projekta (istraživanje i identifikacija MSP koja su osposobljena i zainteresovana za projekte upravljanja otpadom, elementi za ekonomsku opravdanost projekta, procjena tržišta, omogućavanje uspješne pripreme projektnih prijedloga za MSP i njihovo sufinansiranje iz fondova EU, itd.)